



Senin, 26 Desember 2022

Ogen: Efesus 4: 31-32



Mesayang Ersenina



Lit sada kisah nyata si melatarbelakangi lukisan “perjamuan terakhir” Jesus ras ajar-ajar. Leonardo da Vinci, si pelukisna. Man bana labo mesera ndatken model guna ngelukis ayo ajar-ajar tapi se kal serana guna ndatken model gambar diri Jesus. Dekah ndaramisa, dungna ia jumpa ras sekalak sitergelar Pietri Bandinelli, “enda model Jesus...cocok!”. Tapi lit sada nari model si arus idatna guna ndungi lukisenna e janah ndauh seran ndatkensa asangkan model guna gambar Jesus e me model ayo Judas Iskariot. Darami ku jah ku je tapi la dat-dat. Rembang sada paksa, jumpa ia ras sekalak si iakapna kalak enda banci mereken gambaren kerna karakter Judas. Dungna proses pendungi lukisen “perjamuan terakhir” pe ilanjutken. “Pak Da Vinci.....” nina dilaki si jadi model Judas e, “lanai nge tandaindu aku? Piga-piga tahun si lepas, aku kundul i kursi enda jadi model lukisen bapak. aku Pietri Bandinelli.”

Kai si ialami Bandinelli kepeken jadi sada tantangan man banta selaku kalak si tek. Piga-piga waktu banci “mirip Kristus” tapi alu perdalanan kegeluhen banci berubah darstis jadi “mirip Judas”. Hal si bage kepeken si jadi penekanan kata Dibata man perpulungen Efesus, segelah ula jumpa ras kalak-kalak si la nandai Dibata, erbansa manusia si mbaru i bas Kristus muliken ka jadi manusia si male. Dibata enggo njamini kegeluhenta, nggo imaterekenNa maka kita nggo jadi si kerajangen Dibata. Kalak si lit i bas manusia si mbaru, melias dingen mesayang ia nandangi seninana. Mesayang (bs.indo: kasih mesra) e me berhati lembut, tenteram, dem alu ketulusan, labo ibahan-bahan ntah pekulah-kulah. Alu geluh mesayang maka labo lit alasen guna segat ate man kalak si deban. Mesayang eme tambar man segat ate. Alu sikap mesayang maka turah pengalemi. Uga ningen ngalemisa adi la mesayang man bana. Identitasta selaku kalak si tek iukur alu relasi mesayang man Tuhan ras seninata. Hanya dibutuhkan sedikitnya 21 (tiga minggu) untuk melakukan usaha yang dilakukan secara sadar untuk membentuk kebiasaan baru (Dr. Maxwell Maltz)